

琴齋高致有真風山閣延賓未折中來問死生非碌碌爲談莊
老肯忽忽喜今可與君還往惜昨曾留客許同處士或將方寸
比斯人爲不殫焦桐

渾淪庵慶成

高齋忽已慶成功赤石蒼厓入眼中貞節由來拘世業稚川隨
處是家風紅金櫃影書尤秘碧玉壺清酒不空崑閩歸期應可
展我來時欲笑歌同

仙巖寺

依然仙跡倚巖開真館何年竟草萊今日梵宮方得到舊時玄
鶴也飛來一條澗水琉璃合萬疊雲山紫翠堆禪客夜深能共
坐滿窗明月正徘徊

道藏輯要

虛靖真君語錄

三

又翼集七
川文

汪務玄降睡有作

萬籟沉沉月滿空一杯初勝務玄翁金壺飲罷前村酒玉軫閑
歌太古風羨我無眠神已爽笑渠貪睡意何濃回頭爲報孤雲
道清濁由來自不同

和答周提刑

試於閑處尋閑境松竹無言綠滿秋方外每煩勤下諭山隅何
幸偶來遊一簾芳草庭前長千載遺書圯上求得請南還樂居
此清談深感聖恩優

本竹治